



## **Universitätsbibliothek Paderborn**

### **Medvlla Theologica**

Ex Sacris Scriptvris, Conciliorvm Pontificvmqve Decretis, Et Sanctorvm  
Patrvm Ac Doctorum Placitis Expressa ; In qua, quidquid tum ad fidei  
mysteria sanè ac rectè intelligenda, & ab erroribus quibusvis secernenda,  
tum ad sacramenta debitè conficienda & ministranda, tum ad actiones  
humanas iuxta ...

**Abelly, Louis**

**Coloniæ Agrippinæ, 1658**

III. An diuina reuelatio debeat esse publica vel priuata.

**urn:nbn:de:hbz:466:1-38954**

dem, sed tantum credi; licet diuersis medijs eiusdem veritatis duplex notitia in eodem intellectu possit reperiri; una obscura per fidem; altera evidens per demonstracionem scientificam, quo pacto v. g. & credimus & scimus esse unum Deum; credimus, quia scriptura credendum proponit; scimus, quia naturali ratione demonstrari potest.

Tertium est, inter haec duo media cognitionis hanc esse differentiam, quod cognitio per scientiam evidens sit; cognitio vero per fidem, quamvis obscura sit, certitudine tamen & infallibilitate antece lat; cum maxime certo & infallibili fundamento nitatur, nempe revelatione & attestacione diuinâ; unde S. Thomas 2. 2. q. 4. art. 8. ad 2. dicit hominem multò magis esse certiorem de eo, quod audit à Dō, qui falli non potest; quam de eo, quod videt propria ratione, quæ falli potest.

### SECTIO III.

#### *An diuina reuelatio debeat esse publica vel priuata.*

**N**otandum est reuelationem illam dici publicam, quæ Prophetis & Apostolis à Dō facta est pro tota Ecclesia, & per totum orbem publicata; priuatam vero, quæ alicui persona priuata fit.

Hoc pranorato, sensus questionis duplex esse potest: 1. An sufficiat reuelationem illam dictinam, quæ ad obiectum formale fidei pertinet, esse publicam & toti Ecclesiae factam; an vero præterea priuata aliqua reuelatio, vnicuique credentium facta requiratur: 2. an, si daretur aliqua reuelatio priuata, illa sō'a sufficere possit ad formale obiectum fidei supernaturalis. Pro cuius duplicitis questionis resolutione.

Dicendum 1. publicam reuelationem sufficere ad rationem obiecti formalis fidei, eamque singulis sufficienter applicari per Euangelij prædicationem & Ecclesie auctoritatem; nec opus esse vllā aliā priuata. Hæc assertio de fi-

de, est contra Calvinistas, qui in articulo 4. confessionis Fidei sue profitentur se libros Scripturæ canonicos a non canoniciis dignoscere, non tam communis Ecclesiæ consensu, quam interiori testimonio & cœusatione Spiritus Sancti.

Refellitur hic error, & veritas nostra assertionis probatur 1. ex cap. ultimo S. Marci, vbi postquam Christus discipulis suis dixit: *Euntes in mundum vniuersum prædicate Euangelium omni creature: statim subiungit: Qui crediderit, & baptizatus fuerit, saluus erit: qui vero non crediderit, condemnabitur, quibus verbis aperte declarat reuelationem factam Apostolis, & per prædicationem illorum alijs notificatam sufficere ex parte notificationis ipsius obiecti ad credendum: si quid enim aliud requiretur, Christus eos, qui credere nollent, damnationi æterna non subiugaret.*

Probatur 2. auctoritate S. August. lib. i. de Doct. Christ. statim initio, vbi agit ex professo contra eos, qui dicunt se accepisse diuinitatis cognitionem scripturarum, monet que vnumquemque debere sibi cauere ab illa superbissima & pericolosissima tentatione, ut velit edoceri à Deo & non ab hominibus; quod ibi pluribus exemplis urget.

Probatur 3. ex eo, quod (ut refert Eusebius lib. 5. histor. Eccles. cap. 15.) iam à primis Ecclesiæ temporibus Montanus & Maximilla tanquam haeretici damnati sunt, quod particulares reuelationes prætenderent, contrà quam quod Ecclesiæ consuetudo tum traditione, tum successione antiquitus ab Apostolorum temporibus eò usque determinata postulabat.

Dicendum 2. licet priuatæ reuelationes valde dubiant & suspectæ; si tamen alicui persona certò innotesceret reuelationem sibi aliquam à Deo esse factam, illa ei posset sufficere ad credendum. Hoc constat 1. ex eo, quod in sacris litteris recensentur priuatæ quedam reuelationes à Deo factæ, quibus fides habita est; ut Gen. cap. 15. refertur Abraham tanquam priuatæ persona factam fuisse reuelationem à Deo, quod filius ipsi nasciturus esset, quod ipse credit; unde dicitur de illo: *Creditit Abram Deo, & reputatum est illi ad iustitiam.*

Con-

Constat 2. ex Concil. Trident. sess. 6. cap. 12. & can. 16.  
vbi docet & definit neminem posse esse certum certitudi-  
ne fidei de sua gratia & finali perseverantia, nisi per speci-  
alem Dei revelationem; quibus verbis supponit assensum  
supernaturalem fidei posse sufficienter inniti revelationi  
facta à Deo alicui, tanquam priuatæ personæ.

Diximus in assertione; si reuelatio priuata tanquam di-  
minitus facta certò innorescat: & in eo præcipua versatur  
difficultas; quâ ratione scilicet possit certò innotescere  
reue'ationem illam priuatam esse à Deo; de qua proinde  
sektione sequenti nobis agendum est.

Porrò notandum est nos in hac sectione locutos esse  
tantum de ijs, quæ requiruntur ex parte obiecti ad ali-  
quid credendum supernaturaliter: certum est enim, præ-  
ter publicam reuelationem & externam Euangelij prædi-  
cationem, necessariam quoque esse in subiecto fidei, seu  
in persona credente internam gratiam excitantem & ad-  
iuuantem, ut supponimus ex tractatu *de gratia*.

#### SECTIO IV.

*Vnde possit dignosci, an reuelatio priuata sit à  
Deo, ac proinde sufficiens pro eliciendo  
ad usus fidei.*

**S**icut nemini dubium esse debet; quin aliquando Deus  
priuatis quibusdam personis res alias olim reuelau-  
erit, & nunc etiam pro suo beneplacito reuelare pos-  
sit; sic experientiâ nimis crebrâ compertum est, plurimas  
reuelationes, quas priuatae personæ sibi factas præten-  
dunt, varijs illusionibus & erroribus esse refertas; vnde  
Synesius epist. 54. ante duodecim secula conquestus est,  
multos tum temporis priuatos homines & etiam sacerdo-  
tes finxisse somnia pro reue'ationibus.

Ut ergo veritas ab errore & illusione in hac materia di-  
gnosci possit, aliquas obseruationes ex probatissimis au-  
thoribus